

## **Tonga - Kabotu Miyeeyo Magwalo - Good Mind Scriptures**

**Levitiko 24:12 Nkabela bakamubika muntolongo mane bakayubunwidwe kuyanda kwa-Jehova.**

**Deuteronomo 18:6 Na mu-Levi walonga kuzwa muminzi yanu yamucisi ca-Israyeli, kufumbwa nkwalakala, nkaambo moyo wakwe ulisukeme kuya kubusena mbwasala Jehova,**

**Rute 1:18 Lino Naomi naakabona kuti moyo wakwe ulisungukide loko kuya awe, wakaleka kukazyanya awe.**

**1 Makani 28:9 Ayebo Solomoni mwanaangu, koziba Leza wauso, akumumanina milimo camoyo woonse acamiyeeyo iizuminisya, nkaambo Jehova ulalingula myoyo yoonse, ulazibisyia makanze oonse amiyeeyo yoonse, Na ulamuyandaula, ulamujana, pele na wamuleka, ulakusoweleta,**

**Nehemiya 4:6 Elyo twakayaka bulambo. Nkabela bulambo boonse bwakamana mane kusikila akatikati, nkaambo bantu bakapangika myoyo yabo kumilimo.**

**Jobu 23:13 Pele ngwani uukonzya kumucita kuti as and ule muyeeyo wakwe? Ulacita coonse ncayanda.**

**Tusimpi 29:11 Mufubafuba ulaamba bukali bwakwe boonse, Pele musongo ulabukasya akubutontozya.**

**Isaya 26:3 Oyo uupangika moyo wakwe kulinduwe, uyoomukazika muluumuno Iwakasimpe, nkaambo kakuti ulakusyoma.**

**Marko 5:15 Basike buyo kuli-Jesu, bakabona oyo sidaimona iwakanjilidwe legione, ulikede, ulisamide, alimwi ulisitikide, elyo bakayoowa.**

**Luka 8:35 Elyo bantu bakazwa kuyoobona icakacitika. Bakasika kuli-Jesu, bajana oyo muntu, uwakagwisigwa badaimona, ulikede kumatende aa-Jesu, ulisamide, uliluzi. Bayoowa.**

**Incito 17:11 Abakooko bakaliluleme kwiinda abo baku-Tesalonika, nkaambo bakatambula makani emyoyo ilibambide kabotu, balalingaula Magwalo mazuba oonse, kubona kuti na zintu ezi mbozibede.**

**Incito 20:19 Ndakabelekela Mwami akulyeetezya kwamoyo woonse, amisozi, amasunko aakandisikila nkaambo kamakanze aaba-Juda.**

**Ba-Roma 7:25 Ngu-Leza, Ndamulumba kuli-Jesu Kristo Mwami wesu! Mbuboobo kumoyo wangu ndabelekela Mulao wa-Leza, pele kunyama ndabelekela mulao wazibi.**

**Ba-Roma 8:6** Ikuti miyeeyo yanyama ndufu, anukuti miyeeyo yamuuya mbuumi, alimwi nduumuno.

**Ba-Roma 8:27** Nkabela oyo uugulunganya myoyo yabantu ulizi miyeeyo ya-Muuya mbwiibede, ikuti ulakombelezezya basalali kubusyu bwa-Leza.

**Ba-Roma 11:34** Nkaambo nguni uubwene miyeeyo ya-Mwami? Na nguni wakaba mukanzenyina?

**Ba-Roma 12:2** Alimwi mutakozyanizigwi aziyanza zyaciindi ecino, pele amusanduke kukucitululwa kwamyoyo yanu, kuti mukasimpikile makani ngaayanda Leza, makani mabotu aatambulika aalondokede.

**Ba-Roma 12:16** Amukalane amoyo womwe. Mutabi amiyeeyo yakulisumpula, pele amube beenzinyina babombede myoyo. Mutaliyeeyi nubeni kuti tuli basongo.

**Ba-Roma 14:5** Alimwi umwi muntu ulayeeya buzuba bumwi kwiinda buzubanyina, anukuti mweenzinyina ulayeeya kuti mazuba oonse alyeelene. Mbubo, muntuwoonse alamwe mumiyeyo yamoyo wakwe mwini.

**Ba-Roma 15:6** kuti camoyo omwe acamulomo omwe mulemeke Leza wisi Mwami wesu Jesu Kristo,

**1 Ba-Korinto 1:10** Lino ndamukumbila, nubakwesu, muzina Iya-Mwami Jesu Kristo, kuti mwaambe cintu comwe, kutabi mipampo mipampo akati kanu. Amube alukamantano Iwamoyo omwe alwamiyeeyo yomwe.

**1 Ba-Korinto 2:16** Nkaambo nguni uubwene miyeeyo ya-Jehova, abe mutoloki wakwe? Pele swebo tulijisi miyeeyo ya-Kristo.

**2 Ba-Korinto 7:7** Nkabela kakuteensi kusika kwakwe kulike kwakatuumbulizya, pele alwalo olo luumbulizyo ndwaakaumbulizigwa kulindinywe, nkaambo wakatulwiida mbumutusukamina akutulilila akutusungwaalila, aboobo mebo ndakabotelwa loko,

**2 Ba-Korinto 8:12** Nkaambo ncibotu kuti muntu asungwaale kupa mbuli buvubi bwakwe mbwajisi, takonzi kupa ncatajisi pe.

**2 Ba-Korinto 9:2** Nkaambo ndizi kale busungu bwanu, nkabela ndili mukumulumbaizya kubusyu bwaba-Makedoniya cakuti, ba-Akaya bakalilibambide kale mwakali, alimwi busungu bwanu bulibusizye banjibanji akati kabo.

**2 Ba-Korinto 13:11** Lino bakwesu, ndamana. Kamusyaala kabotu. Amubambe kabotu buumi bwanu. Amupangike myoyo yanu kumajwi aangu. Amube amoyo omwe mukale caluumuno, nkabela Leza siluyando siluumuno ulakala anywe.

**Ba-Efeso 4:23** muleelede kubukuluka mumuuya wakuyeeya kwanu,

**Ba-Filipi 2:2,3 ndakumbila kuti mundipe olu lukondo luzulide Iwakuziba kuti mulikede abuyanzane bomwe, akuyandana aluyandisyo lomwe, camoyo omwe acakuyeeya comwe. 3 Mutaciti cintu niciba comwe cabbivwe nanka cakulisumpula, pele umwi aumwi akati kanu alibombye mumoyo, akuyeeya kuti mweenzuma mubotu kwiinda ndime,**

**Ba-Filipi 4:2 Ndamukumbila Euodiya, alakwe Suntuke ndamukumbila, kuti babe aluyanzano lomwe mu-Mwami.**

**Ba-Filipi 4:7 elyo luumuno Iwa-Leza Iwiinda miyeeyo yoonse yabantu luyoooyaminina myoyo yanu amiyeeyo yanu muli-Kristo Jesu.**

**Ba-Kolose 3:12 Lino mbuli mbumuli basale ba-Leza, basalala akuyandika, amulisamike moyo waluzalo, buuya, lulifwiinsyo, lubombo, abusicamba.**

**2 Ba-Tesalonika 2:2 Amube alu zyalo aluumuno kuzwa kuli-Leza Taateesu aku-Mwami Jesu Kristo.**

**2 Timoteo 1:7 Nkaambo Leza takatupede muuya wabukandu, pe, wakatupa muuya wanguzu awakuyandana awakulibamba.**

**Tito 2:6 Abalo baalumi bacili bana mbubonya, ubalaye kuti basitikile muziyanza zyoonse.**

**Hebrayo 8:10 Eno ngooyu mulongo ngwenjandootanga kubana-Israyeli, Munsi lyamazuba ayo, ngo-Jehova waamba obo. Ndiyoobika milao yangu mukuyeeya kwabo, Moonse amumyoyo yabo ndiyooilembamo, Elyo ndikabe Leza wabo, Abalo bakabe bantu bangu.**

**1 Petro 1:13 Nkaambo kaako amulyaangaange muzibuno zyakuyeeya kwanu, mukabe bapakamani, amukalulangilisy e olo luzyalo ndomuyooletelwa kukuyubununwa kwa-Jesu Kristo.**

**1 Petro 5:2 Ndati, amweembele butanga bwa-Leza buli akati kanu, alimwi kutabi kwakusinikizigwa, pe, akube camoyo omwe, Kutabi kwakuunya kulubono Iwaansi, pele kwamoyo uutuba.**

**2 Petro 3:1 Mbubonya obo, anywebo nobanakazi, amilibombye kubalumi banu nobeni, kuti kwanolli bamwi bataswiililisyi kumakani, basanduke nkaambo kanyendelo zyabakazi babo, kuti tabaambilwi zintu,**

**Ciyubunuzyo 17:9 Ngaaya maanu abusongo. Mitwe iili musanu aibili ngemalundu aali musanu aabili nkvakala mwanakazi.**